

Ես հասկացայ, Մըհեն կատարել էր այն յափշտակութիւնը, ինչ որ բեկը քանի ըրաւ առաջ ինձ էր առաջարկում: Նա այս արել էր առանց ոչ ոքի յայտնելու: Առաջին օրը, երբ նա եկել էր Ասլանի մօտ եւ իմացել էր, որ ձին տակաւին չէն բերած, առանց նրա հետ խորհուրդ անելու, անյայտացել էր, եւ ահա դարձաւ նա մեծ աւարով: Թէեւ Մըհեն մեզ ոչինչ չասեց, բայց երեւում էր, որ նա կռիւ էր ունեցել քրդերի հովիւների հետ, եթէ ոչ, այլապէս վիրաւորած լինել չէր կարող:

Մըհեն չսպասեց մինչեւ ընթրիք տային, եւ խնդրեց մի քանի հացեր եւ մի մեծ կտոր պանիր, բոլորը կերաւ, եւ խմելով մի ահագին աման ջուր, գնաց քնելու: Խղճային երեք օր էր, որ մի ըրաւ եւս հանգստացած չէր:

Գիշերից բաւական անցել էր, բայց տակաւին վրաններից շատերի մէջ լոյս էր երեւում: Մեր ընթրիքը տոեցին. նա պատրաստուած էր խիստ պարզ կերակուրներից, որոնց մէջ գլխաւոր տեղն էր բռնում մի ամբողջ խորոված գառը:

Ընթրիքից յետոյ բեկը կամեցաւ մեզ զոարճացնել եւ կանչել տոեց մի երգիչ: Նա մի փոքրիկ մարդ էր, ոտքերով կաղ, որ շատ նմանում էր մեր աշուղներին, որոնք հագիւ ազատ են լինում մի որեւիցէ մարմնական արատից: Երգիչն ածում էր ջութակի վրայ:

Ինձ մինչեւ այնօր չէր պատահել լսել մի երգ, որ այնքան յատկանիշ լինէր ազգային բնաւորութեան, որ այնքան արտայայտող լինէր ժողովրդական ոգուն, որպէս քրդի երգը: Քրդի երգը լսելիս, մարդ միշտ երեւակայում է՝ իրան – քրդին, նիզակը ձեռին, սեզ նժոյգի վրայ նստած, կայծակի պէս սլանում է լեռների մէջ...

Քուրդ աշուղի երգածները հասարակ տաղեր չէին. նա երգում էր մի ամբողջ վեպ, որ ժողովրդական պօետը առել էր կենդանի անցքերից: Դա մի քաջազնական բանաստեղծութիւն էր, որի մէջ խիստ ազդու կերպով նկարագրուած էր այն արիւնահեղ կռիւը, որ ունեցել էր բեկը քրդերի մի ուրիշ ցեղի հետ, եւ որի մէջ սպանուել էին նրա երկու որդիներն եւ աւար էին առնուել նրա հօտերը:

«Այսպէս, ասում էր Ասլանը, մի ժամանակ մեր նախարարների տներում երգում էին Գողթան երգիչները, բայց նրանց ձայնը լռեց այն օրից, երբ հայերի մէջ քաջազնական հոգին յանգաւ»...

Աշուղի բոլոր երգեցողութեան ժամանակ տխուր էր բեկը: Վրեժխնդրութեան արիւնը բորբոքում էր նրա աչքերում, որովհետեւ նա լսում էր սի-